



মানববিদ্যা গবেষণাপত্র

পঞ্চম সংখ্যা, ২০২১; ISSN: ২৫১৮-৫৮৫৩

কলা অনুষদ

জাতীয় কবি কাজী নজরুল ইসলাম বিশ্ববিদ্যালয়
ত্রিশাল, ময়মনসিংহ।

স্মারক নং : জাককাকনইবি/ডিন কলা/

২৮ জুন ২০২১

লেখা আহ্বান

জাতীয় কবি কাজী নজরুল ইসলাম বিশ্ববিদ্যালয়ের কলা অনুষদের ডাবল ব্লাইন্ড পিয়ার রিভিউড (double blind peer reviewed) গবেষণা-পত্রিকা *মানববিদ্যা গবেষণাপত্র*-এর ৫ম সংখ্যা প্রকাশের উদ্যোগ নেয়া হয়েছে। এই সংখ্যায় বাংলা ও ইংরেজি ভাষা ও সাহিত্য, নাটক ও নাট্যতত্ত্ব, থিয়েটার ও পারফরমেন্স, সংগীত, চারুকলা, দর্শন, ইতিহাস, ফিল্ম এন্ড মিডিয়া এবং কলা অনুষদভুক্ত অন্যান্য বিষয়ে ইংরেজি ও বাংলা ভাষায় মৌলিক গবেষণা-প্রবন্ধ প্রকাশিত হবে। আত্মহী লেখক ও গবেষকদের নিচে সংযুক্ত নীতিমালা ও নির্দেশনাবলি অনুসরণ করে আগামী ১০ আগস্ট ২০২১ তারিখের মধ্যে লেখা পাঠানোর জন্য অনুরোধ করা হলো। লেখা Email করেও পাঠানো যাবে। Email ঠিকানা: manababidyagabesanapatra@gmail.com

ধন্যবাদান্তে

(ড. শেখ মেহেদী হাসান)

নির্বাহী সম্পাদক

মানববিদ্যা গবেষণাপত্র

ও

সহযোগী অধ্যাপক, ইংরেজি ভাষা ও সাহিত্য বিভাগ

জাতীয় কবি কাজী নজরুল ইসলাম বিশ্ববিদ্যালয়

ত্রিশাল, ময়মনসিংহ।

অনুসৃতব্য নীতিমালা

১. *মানববিদ্যা গবেষণাপত্র* গবেষণা-পত্রিকার জন্য উচ্চতর শিক্ষা পর্যায়ের শিক্ষক, গবেষণা কর্মকর্তা, পিএইচডি কিংবা এমফিল পর্যায়ের গবেষকদের লেখা গ্রহণযোগ্য হবে। মাস্টার্স কিংবা অনার্স পর্যায়ে সম্পন্ন গবেষণাপত্রের আলোকে লিখিত প্রবন্ধ বিবেচনা করা যেতে পারে। সেক্ষেত্রে নিজ প্রতিষ্ঠানের বিভাগীয় প্রধান কর্তৃক প্রদত্ত “প্রত্যয়ন পত্র” অথবা “প্রশংসা পত্র” সংযুক্ত করতে হবে।
২. একটি গবেষণা প্রবন্ধের লেখক সংখ্যা সর্বোচ্চ দু'জন হতে পারবেন। তার বেশি লেখক কর্তৃক রচিত ও সম্পাদিত গবেষণা প্রবন্ধ প্রকাশের জন্য বিবেচিত হয় না।
৩. প্রবন্ধ হতে হবে সুস্পষ্ট গবেষণা-জিজ্ঞাসা ও ফল সম্বলিত। লেখায় *মানববিদ্যা গবেষণাপত্র*-র অনুসৃতব্য নীতিমালা ও প্রবন্ধকার বা গবেষকের জন্য নির্দেশনাবলির প্রয়োগ থাকতে হবে।
৪. অভিজ্ঞ ও বিশেষজ্ঞ মূল্যায়নকারীর ইতিবাচক সুপারিশ সাপেক্ষে প্রবন্ধ প্রকাশ করা হয়। মূল্যায়নের ক্ষেত্রে ডাবল ব্লাইন্ড পিয়ার রিভিউ নীতিমালা অনুসরণ করা হয়।
৫. প্রবন্ধকারগণ তাদের প্রবন্ধের মৌলিকত্ব ও স্বত্ব দাবি করে একটি স্বাক্ষরিত ঘোষণাপত্র প্রবন্ধের সাথে সংযুক্ত করবেন। তবে মূল প্রবন্ধের কোথাও লেখক-পরিচিতি যোগ করা যাবে না। গবেষককে তার নাম, পদবি, প্রতিষ্ঠান, ফোন নম্বর ও ই-মেইল পৃথক কাগজে সংযুক্ত করতে হবে।

প্রবন্ধকার বা গবেষকের জন্য নির্দেশনাবলি

৬. প্রবন্ধ ৪,০০০ থেকে ৭,০০০ শব্দের মধ্যে হতে হবে। প্রবন্ধের ভাষা হবে বাংলা অথবা ইংরেজি। ইংরেজি ভাষায় লিখিত প্রবন্ধের ক্ষেত্রে লেখা আহ্বান (Call for Papers)-এর ইংরেজি সংস্করণ দ্রষ্টব্য।
৭. A4 সাইজ কাগজে SutonnyMJ ফন্টের ১৪ point-এ প্রবন্ধের অক্ষর বিন্যাস হবে। প্রবন্ধের Line Space এবং Para Space হবে যথাক্রমে 1.5 ও Auto।



মানববিদ্যা গবেষণাপত্র

পঞ্চম সংখ্যা, ২০২১; ISSN: ২৫১৮-৫৮৫৩

কলা অনুসূচ

জাতীয় কবি কাজী নজরুল ইসলাম বিশ্ববিদ্যালয়
ত্রিশাল, ময়মনসিংহ।

৮. প্রবন্ধের শুরুতে গবেষণার লক্ষ্য, জিজ্ঞাসা, প্রাসঙ্গিক তত্ত্ব, গবেষণা পদ্ধতি ও প্রাপ্তি সম্পর্কিত অনধিক ১৮০-২০০ শব্দের গবেষণা-সারসংক্ষেপ (Abstract) যুক্ত করতে হবে। উল্লেখ্য যে গবেষণা-সারসংক্ষেপে শুধুমাত্র বিশ্লেষিত উপন্যাস বা কবিতা বা সাহিত্য-কর্মের সংক্ষিপ্ত বিবরণ থাকবে না; এটি সংক্ষিপ্ত লেখক পরিচিতি বা গ্রন্থ পরিচিতি বা তত্ত্ব পরিচিতিও নয়। সে-জন্য গবেষণা-সারসংক্ষেপে শুধুমাত্র এটা বলা-ই যথেষ্ট নয় যে রবীন্দ্রনাথ বা অন্য কোন লেখক বা সাহিত্যিক তাঁর ছোটগল্প বা কবিতায় (যাঁর রচনার উপরে প্রবন্ধটি লেখা হয়েছে) এটা বলেছেন, ওটা বলেছেন. . .; বরং, গবেষণা-সারসংক্ষেপে গবেষক বর্ণনা করবেন তার গবেষণা শিরোনামটি দ্বারা তিনি কি বুঝিয়েছেন, কেন তিনি গবেষণা কাজটি (প্রবন্ধটি) করেছেন (লক্ষ্য ও উদ্দেশ্য) এবং কিভাবে তিনি গবেষণা কর্মটি করেছেন (গবেষণা পদ্ধতি এবং গবেষণা সংশ্লিষ্ট সাহিত্য-সংস্কৃতি তত্ত্বের প্রয়োগের ব্যাপারে)। সবচেয়ে গুরুত্বপূর্ণ ব্যাপার হচ্ছে, গবেষক তার গবেষণা-সারসংক্ষেপে গবেষণার লক্ষ্য ও উদ্দেশ্যের সারসংক্ষেপ দিবেন। পুরো গবেষণা-সারসংক্ষেপ (Abstract) জুড়ে টেক্সট/লেখক/কবি পরিচিতি বা লেখক/কবির কথা বর্ণনা করে শেষ বাক্যে প্রবন্ধের লক্ষ্য ও উদ্দেশ্য বর্ণনা করা কোনভাবেই গ্রহণযোগ্য গবেষণা-সারসংক্ষেপের বৈশিষ্ট্য নয়।

৯. গবেষণা-সারসংক্ষেপ (Abstract)-এর পর ৫(পাঁচ)-টি Keywords/চাবিশব্দ দিতে হবে।

১০. বাংলা একাডেমি কর্তৃক প্রণীত বানানরীতি অনুসরণ করতে হবে। তবে উদ্ধৃতির ক্ষেত্রে মূল বানানের কোনো পরিবর্তন করা যাবে না। এছাড়া বিদেশি শব্দের ক্ষেত্রে কোনো সুপ্রতিষ্ঠিত প্রতিষ্ঠান, সংস্থা, ধর্মীয় উৎসব ইত্যাদির প্রচলিত বা ঐতিহ্যগত নামের ক্ষেত্রে প্রথাগত বানান অপরিবর্তিত রাখতে হবে। যেমন: আওয়ামী লীগ, ঈদ ইত্যাদি।

১১. প্রবন্ধের ভিতরে সরাসরি উদ্ধৃতি বা ভাব, ধারণা, বক্তব্য বা প্যারাক্লেইজিং-এর তথ্যসূত্র (in-text citation) এবং প্রবন্ধের শেষে তথ্যপঞ্জি (References) উল্লেখের কৌশলের ক্ষেত্রে আমেরিকান সাইকোলজিক্যাল অ্যাসোসিয়েশন (American Psychological Association) কর্তৃক প্রকাশিত *Publication Manual of the American Psychological Association* (7th ed.) APA (7th Edition) (এপিএ, সপ্তম সংস্করণ) অনুসরণ করতে হবে। প্রবন্ধের ভিতরে প্রথম বন্ধনীর মধ্যে তথ্যসূত্র (in-text citation) উল্লেখের ক্ষেত্রে লেখকের শেষ নাম (last name), সাল ও পৃষ্ঠা নম্বর এবং শেষে তথ্যপঞ্জিতে (References) প্রথমে লেখকের শেষ নাম, তারপর প্রথম নাম (first name) উল্লেখ করতে হবে। নিম্নলিখিত দু'টি ক্ষেত্রে বাদে অন্য সব ক্ষেত্রে তথ্যসূত্র উল্লেখ সংক্রান্ত যে-কোনো বিষয়ে APA (7th Edition) অনুসরণ করতে হবে।

ক. বাংলায় লিখিত লেখকের নামের ক্ষেত্রে সংক্ষেপণ (abbreviation)-এর সমস্যা এড়ানোর জন্য লেখকের প্রথম নাম (first name) সংক্ষেপিত (abbreviated) করা হয়নি। যেমন, কবি রফিক আজাদের নাম লেখার ক্ষেত্রে,

প্রবন্ধের ভিতরে প্রথম বন্ধনীর মধ্যে তথ্যসূত্র (in-text citation): (আজাদ, ২০১৫, পৃ. ৫২)

প্রবন্ধের শেষে তথ্যপঞ্জিতে (References): আজাদ, রফিক (২০১৫)। *শ্রেষ্ঠ কবিতা*। মাওলা ব্রাদার্স।

খ. এছাড়া APA (7th Edition) ফরম্যাটে শুধুমাত্র পুস্তক প্রকাশকের নাম উল্লেখিত থাকে; পুস্তক প্রকাশের স্থানের উল্লেখ থাকে না। এক্ষেত্রে পুস্তক প্রকাশের স্থানের (ঢাকা, কলকাতা ইত্যাদি) উল্লেখ করতে হবে।

১২. উল্লেখ্য, প্রবন্ধ রচনায়/গবেষণায় ইংরেজিতে লিখিত বা অনূদিত কোনো বই/রচনা থেকে সরাসরি রেফারেন্স নিলে তথ্যসূত্র ও তথ্যপঞ্জিতে উল্লেখের ক্ষেত্রে হুবহু APA (7th Edition) (এপিএ, সপ্তম সংস্করণ) অনুসরণ করতে হবে।

১৩. উদ্ধৃতি ২৫শব্দের কম হলে ডাবল উদ্ধৃতি চিহ্ন (“ ”) (double inverted comma) দ্বারা আবদ্ধ করতে হবে। প্রবন্ধের কোনো অংশে সিঙ্গেল উদ্ধৃতি চিহ্ন (‘ ’) ব্যবহার করা যাবে না। উদ্ধৃতি ২৫শব্দের বেশি হলে আলাদা অনুচ্ছেদে (indenting) তা উপস্থাপন করতে হবে। কবিতার উদ্ধৃতিতে মূলের পঙ্ক্তিবিন্যাস রক্ষা করতে হবে।

১৪. কবিতা-ছোটগল্প-উপন্যাস-নাটক ইত্যাদি সৃষ্টিশীল রচনাসহ যেকোন রচনা থেকে উদ্ধৃতি প্রদানের ক্ষেত্রে উদ্ধৃতির পাশে তথ্যসূত্র উল্লেখ করতে হবে। যেকোন সাধারণ উদ্ধৃতি ও প্যারাক্লেইজিং-এর ক্ষেত্রে একইভাবে উদ্ধৃতি বা গৃহিত বক্তব্যের পাশে তথ্যসূত্র নির্দেশ করতে হবে। নিম্নে প্রবন্ধের ভিতরে প্রথম বন্ধনীর মধ্যে তথ্যসূত্র (in-text citation) উল্লেখের কিছু উদাহরণ সন্নিবেশিত হলো:

প্রবন্ধের মধ্যে তথ্যসূত্র (in-text citation) উল্লেখের কৌশল: (খান, ১৯৯৭, পৃ. ২৬)

কোনো বই বা লেখার দুই বা তিন জন লেখক হলে দুই বা তিন জনের শেষ নামই উল্লেখ করতে হবে। এসব ক্ষেত্রে দু'টি বা তিনটি নাম “ও” দ্বারা যুক্ত করতে হবে। যেমন:

দু'জন লেখকের ক্ষেত্রে- (চক্রবর্তী ও খান, ২০০৮); তিনজন লেখকের ক্ষেত্রে- (চৌধুরী, রহমান ও ঘোষ, ১৯৯৯)

তিনের অধিক লেখকের ক্ষেত্রে- (মিত্র ও অন্যান্য, ২০২০)

পুরো বই বা প্রবন্ধের সারসংক্ষেপ নির্দেশ করলে (খান, ১৯৯৭); আর নির্দিষ্ট উদ্ধৃতি বা পৃষ্ঠা নির্দেশ করলে (খান, ১৯৯৭, পৃ. ২৬)



মানববিদ্যা গবেষণাপত্র

পঞ্চম সংখ্যা, ২০২১; ISSN: ২৫১৮-৫৮৫৩

কলা অনুসূচ

জাতীয় কবি কাজী নজরুল ইসলাম বিশ্ববিদ্যালয়
ত্রিশাল, ময়মনসিংহ।

১৫. প্রবন্ধের শেষে তথ্যপঞ্জি সংযোজিত হবে। বাংলা তালিকার পর ইংরেজি তালিকা উপস্থাপন করতে হবে। তথ্যপঞ্জিতে লেখকের নাম বর্ণানুক্রমে লিখতে হবে। লেখকের নামের শেষ নাম আগে বসবে, তারপর কমা (,) এবং তারপর বসবে প্রথম নাম। বই, গবেষণা-পত্রিকা (Journal), সাময়িকী বা ম্যাগাজিন, পত্রপত্রিকা, সংবাদপত্র ইত্যাদির নাম বাঁকা অক্ষরে (*Italic*) লিখতে হবে। নিম্নে APA (7th Edition) অনুসরণে তথ্যপঞ্জি লেখার কিছু উদাহরণ দেওয়া হলো:

একজন লেখক কর্তৃক রচিত পুস্তকের ক্ষেত্রে-

খান, রফিকউল্লাহ (১৯৯৭)। *বাংলাদেশের উপন্যাস: বিষয় ও শিল্পরূপ*। বাংলা একাডেমি।

দু'জন লেখক কর্তৃক রচিত পুস্তকের ক্ষেত্রে-

চক্রবর্তী, রবি, ও খান, কলিম (২০০৮)। *বাংলা ভাষা: প্রাচ্যের সম্পদ ও রবীন্দ্রনাথ*। ভাষাবিন্যাস, কলকাতা।

সম্পাদিত পুস্তকের ক্ষেত্রে-

আনোয়ার, চন্দন (সম্পা.) (২০১৬)। *হাসান আজিজুল হক: এক মলাটে তিন বই*। ইত্যাদি গ্রন্থ প্রকাশ, ঢাকা।

অনূদিত পুস্তকের ক্ষেত্রে-

ফিশার, আর্নস্ট (২০০৯)। *দি নেসেসিটি অব আর্ট* (শফিকুল ইসলাম, অনু.)। সংঘ প্রকাশন, ঢাকা। (মূল লেখা প্রকাশিত ১৯৫৯)

প্রবন্ধের মধ্যে তথ্যসূত্র (in-text citation) উল্লেখের ক্ষেত্রে: (ফিশার, ২০০৯, পৃ. ১৮)

গবেষণা-পত্রিকায় প্রকাশিত প্রবন্ধের (Journal Article) ক্ষেত্রে-

আলম, মো. জাহাঙ্গীর (২০১৭)। কবর নাটকের সংলাপ: একটি সরল পর্যবেক্ষণ। *রুদ্রমঙ্গল*, ২, ১৩৫-১৪৭।

সম্পাদিত পুস্তকে প্রকাশিত প্রবন্ধের ক্ষেত্রে-

রহমান, রিজিয়া (২০১০)। একজন নির্জন কথা শিল্পীর নিভৃত প্রস্থান। আবুল হাসনাত ও অন্যান্য (সম্পা.), *আলো ছায়ার যুগলবন্দী*। সাহিত্য প্রকাশ।

সাময়িকী বা ম্যাগাজিনের ক্ষেত্রে-

আলম, মোহিত উল (১৪২১)। কবি নজরুলের বিদ্রোহী সত্তা। *গাহি সাম্যের গান*। জাতীয় কবি কাজী নজরুল ইসলাম বিশ্ববিদ্যালয়, ত্রিশাল, ময়মনসিংহ।

দৈনিক পত্রিকার বেনামী প্রতিবেদন বা সংবাদ থেকে গৃহিত তথ্যের ক্ষেত্রে সূত্র লিখতে হবে এভাবে : (ইত্তেফাক, ২০১৮, জানুয়ারি ১০)। তবে লেখকের নাম উল্লেখ থাকলে শেষ নাম ব্যবহার করে সূত্র লিখতে হবে। যেমন : (দেবনাথ, ২০১৮)।

তথ্যপঞ্জিতে লিখতে হবে এভাবে:

দেবনাথ, আর এম (২০১৮, অক্টোবর ০৫)। মানুষের ক্রয়ক্ষমতা বাড়ছে। *দৈনিক ইত্তেফাক*।

অনলাইন সংস্করণ থেকে তথ্য নিলে শেষে ওয়েব ঠিকানা (URL) উল্লেখ করতে হবে। যেমন:

আহমেদ, সারফুদ্দিন (২০২১, মে ১৯)। একচোখা দাজ্জাল মিডিয়া ও কোণঠাসা ফিলিস্তিন। *প্রথম আলো*।

<https://www.prothomalo.com/opinion/column/একচোখা-দাজ্জাল-মিডিয়া-ও-কোণঠাসা-ফিলিস্তিন>

১৬. অন্যান্য তথ্যসূত্র ও তথ্যপঞ্জি লেখার কৌশলের ক্ষেত্রে APA (7th Edition) (এপিএ, সপ্তম সংস্করণ) দ্রষ্টব্য।

বিশেষ দ্রষ্টব্য

১৭. কোনো লেখায় কুস্তীলকবৃত্তি (plagiarism) পরিলক্ষিত হলে এবং লেখার গবেষণা নৈতিকতার (ঋণস্বীকার/সততা/তথ্য-পরিবেশন) ব্যত্যয় ঘটলে সম্পাদনার যে-কোনো পর্বে সম্পাদনাপর্ষদ তা বাতিল করতে পারবেন। অসাবধানতাবশত কুস্তীলকবৃত্তি-আক্রান্ত লেখা প্রকাশিত হয়ে গেলে, অভিযুক্ত লেখককে ভবিষ্যতে গবেষণা-প্রবন্ধ প্রকাশের সুযোগ দেয়া হবে না।

১৮. বেআইনি, নিবন্ধনহীন প্রকাশনা সংস্থা হতে প্রকাশিত সহজলভ্য, পাইরেইটেড, চট্টল সংস্করণের বই অথবা গাইড/নোট বই জাতীয় বই গবেষণায় ব্যবহার করা যাবে না। এছাড়া উইকিপিডিয়া বা এই জাতীয় অনির্ভরযোগ্য ওয়েবসাইট এবং ব্যক্তিগত ব্লগের তথ্য-উপাত্ত বা লেখা গবেষণায় ব্যবহার করা যাবে না।

১৯. *মানববিদ্যা গবেষণাপত্র* গবেষণা-পত্রিকার তথ্যনির্দেশরীতি, ভাষারীতি এবং অন্যান্য নির্দেশনা অনুসরণ না করে উপস্থাপিত লেখা মূল্যায়নের জন্য বিবেচিত হবে না। পূর্বপ্রকাশিত (আংশিক বা পূর্ণাঙ্গ) কিংবা অন্য কোনো পত্রিকায় মূল্যায়নের জন্য উপস্থাপিত লেখা মূল্যায়নের অযোগ্য।

২০. *মানববিদ্যা গবেষণাপত্র* গবেষণা-পত্রিকায় প্রকাশিত প্রবন্ধ-বিষয়ক সকল দায়িত্ব লেখক বহন করবেন।



Manababidya Gabesanapatra

(Research Journal of Humanities)

Volume 05, 2021; ISSN: 2518-5853

Faculty of Arts

Jatiya Kabi Kazi Nazrul Islam University

Trishal, Mymensingh, Bangladesh

Ref. no: জাককাকনইবি/ডিন কলা/

28 June 2021

CALL FOR PAPERS

Manababidya Gabesanapatra (Research Journal of Humanities) is a double blind peer-reviewed interdisciplinary bilingual research journal published annually by Faculty of Arts, Jatiya Kabi Kazi Nazrul Islam University, Trishal, Mymensingh, Bangladesh. The Journal welcomes the submission of original research articles in Bangla and English focusing on all areas of arts and humanities such as Bangla and English language and literature, linguistics, ELT, drama and dramatics, theatre and performance, music, fine arts, philosophy, history, film and media and so forth. For submission of manuscripts in Bangla, the authors are requested to follow the Bangla version of Call for Papers.

Overall Features of an Article: The article submitted to *Manababidya Gabesanapatra* will be considered for double blind peer review if it contains a well-defined title, an abstract outlining the objectives, theoretical take and methodology of the respective research, comprehensive and updated literature review (or overview/ background of the area) showing clearly the gap in the field and the rationale of conducting the present research, nuanced articulations of theories and methodology, an in-depth textual analysis/data analysis in relation to research objectives/thesis statement, and a precise conclusion summarising the research findings.

Manuscript: The length of an article should be between 4000 and 7000 words (including endnotes, references/works cited, and figures) with an abstract ranging from 180-200 words and 5 keywords. Manuscripts must be typed in Microsoft Word file format (DOC) and double spaced in Times New Roman 12 point font on A4 size paper. The first page of the article should contain the title, abstract and the body of the paper. The author's name, affiliation or any information related to the author's identity must not be given in any part of the article. A separate page containing the title and abstract of the article along with the author's name, affiliation, mailing address, phone/mobile number and email address must be added. The citation style, format and documentation of the article must conform to whether the MLA style (8th edition) or the APA style (7th edition). The authors are requested to use double inverted commas, instead of single ones, throughout their articles while quoting texts directly.

Important Notes

- Articles found to be plagiarised in any form will be rejected outright.
- Books, articles or any write-up published by unrecognised publishers, note-books, study-guides, Wikipedia, blogs, and any untrusted website cannot be used as references in research articles.
- The number of authors of jointly written articles must not exceed more than two.
- The author must make sure by providing an undertaking that the paper submitted to *Manababidya Gabesanapatra* has not been published in full or in part before, nor has been submitted to another journal for review.

Authors are requested to email their manuscripts as attachments to manababidyagabesanapatra@gmail.com and send the printed copies in duplicate to—

Dr. Sheikh Mehedi Hasan

Executive Editor

Manababidya Gabesanapatra (Research Journal of Humanities)

& Associate Professor

Department of English Language and Literature

Jatiya Kabi Kazi Nazrul Islam University

Trishal, Mymensingh, Bangladesh

The deadline for all submissions is **10 August 2021**.